

ANONYMUS

Recommendatio baccalaureorum: Invitati ascendant

“Invitati ascendant”, scribit venerabilis Iohannes Policrati in De curialium nugis et vestigiis philosophorum. Reverendi patres magistrique venerandi, “quis ambigit illos aliis fore preferendos, qui quasi naturali probitatis privilegio ampliati
5 maiorum titulis invitantur ad virtutem et eorundem beneficio future bonitatis ceteris faciunt fidem?” Et ob hoc ad philosophie studia invitantur humiles et mansueti, ut gradibus exaltentur; insuper, honorabiles et honesti, ut virtutibus premientur. Et ergo non indigne nostris dicitur de
10 talibus iustum propositum: “invitati ascendant”.

Dixi ita quam primo eorum ad philosophie invitantur studia humiles et mansueti, ut gradibus exaltentur. Nam dignius est ut honestiores semper ad officia promoveantur, discoli vero et insipidi ac mansueti deiciatur, teste Apuleyo
15 in libro De dogmate Platonis sic ex ordinate: “hec est iusta, ex equitate veniens partitio, ut meliores semper in officiis preferantur; pessimi autem cives vel minus boni luce careant dignitatis”. Cui concordat Gualterus in Alexandreidos libro Io sic aiens: “exaltare velis siquos insignit honestas, eos
20 morum sublimat apex, licet ampla facultas. Et patrie desit et

1 Invitati ascendant] IOANNES SARESBERIENSIS, *Policraticus sive de nugis curialium et vestigiis philosophorum*, lib. IV, cap. 11, p. 275, l. 25. || 3–6 quis ... fidem?] IOANNES SARESBERIENSIS, *Policraticus sive de nugis curialium et vestigiis philosophorum*, lib. IV, cap. 11, pp. 275–276, ll. 26–3. || 15–18 hec ... dignitatis] THOMAS HIBERNICUS, *Flores doctorum*, cap. “Electio”, p. 260, § t. || 19–21 exaltare ... alti] GUALTERUS DE CASTELLIONE, *Alexandreis*, lib. I, cap. 1, ll. 93–95.

gloria sanguinis alti”; et non sine causa. Nam, qui honestatibus plenus est interioribus animi, non indiget exterioribus. Atestante Alexandreio libro eodem ubi dicit: “non ergo eget exterius qui moribus intus habundat. Nobilitas est sola animi
 25 que moribus ornat”. Unde et Oratius libro *Epistolarum* suarum, epistola Ia: “virtus est vicium fugere, sapientia prima stultitia caruisse.” Nam “qui sine ea ad beatitudinis viam tendit, quasi cecus in lubrico tendens ad alta presumptuosus cadit. Unde etiam divinarum et humanarum rerum com-
 30 potem Crissippus asseruit.” Cum ergo “virtus ad gloriam, honorem, imperium, via vera” est, ad characterem eius talis calcat mundi virtutibus, festivanter properandus est invitante philosophia verbis propositis: “invitati ascendant”. Et hoc quamquam ad primum.

35 Dixi secundo quod ad philosophie studia invitantur honorabiles et honesti, ut virtutibus premientur, et non sine causa. Dignum enim videtur ut quod est scientia preditus reddatur honestiore reverendus. Seneca, libro IV *Epistolarum* suarum: nam “vires boni ac honesti verbis sint eligendi et
 40 semper ante oculos sint habendi”. Teste Seneca ibidem: scito autem “non eum esse beatum quem vulgus appellant, ad quem pecunia magna confluit, sed illum cui omne bonum in animo, erectum est et excelsum et mirabilia calcantem, qui neminem videt cum quo se commutatum velit, qui hominem
 45 ea sola parte estimat qua homo est, qui natura magistra utitur, ad illius leges se componit, sic vivit quomodo illa prescripsit; cui bona sua nulla vis excutit, qui mala in bonum

23–25 non ... ornat] GUALTERUS DE CASTELLIONE, *Alexandreis*, lib. I, cap. 1, ll. 103–104. || 26–27 virtus ... caruisse] HORATIUS, *Epistolarum*, lib. I, ep. I, p. 231, ll. 41–42. || 27–30 qui ... asseruit] IOANNES SARESBERIENSIS, *Policriticus sive de nugis curialium et vestigiis philosophorum*, lib. VII, cap. 8, l. 119.7–11. || 30–31 virtus ... vera] IOANNES SARESBERIENSIS, *Policriticus sive de nugis curialium et vestigiis philosophorum*, lib. VIII, cap. 5, p. 245, ll. 26–27. || 39–40 vires ... habendi] SENECA, *Ad Lucilium Epistulae morales*, lib. I, ep. 11, § 8, p. 25, ll. 16–17. || 41–51 non ... vulnerat] THOMAS HIBERNICUS, *Flores doctorum*, cap. “Beatitudo sive beatus”, p. 82, § q.

vertit, certus iudicii, inconcussus, intrepidus; quem aliqua vis
 <movet>, nulla perturbat; in quem fortunatum quod habuit
 50 telum nocentissimum vi maxima intorsit, pingit, non vul-
 nerat”, Seneca, epistolam IVam. Et non mirum cum ipsi,
 scilicet boni ac sapientes, “nutriunt virtutes exemplis pre-
 miorum, nec quisquam est qui ad morum summa invitatur
 ascendere, quando irremunerato non relinquitur quod con-
 55 scientia teste laudatur”, atteste Cassiodorus libro Epis-
 tolarum suarum; “equum enim est, ut unicuique perficiat
 labor suus et sicut expendendo cognoscit incommoda, ita et
 rebus perfectis consequatur augmenta”. Cum ergo bac-
 calaureis nostri propter studiorum acquisitionem multa in-
 60 comoda perfrequentis exercitium, nec vigilando, nec
 ruinando, nec bursas suas evacuando pertulerunt. Non in
 merito ergo invitantur ad philosophie premia verbis
 propositis, sed “invitati ascendant” que fuerunt valentis.

In quibus verbis breviter introductis duo tanguntur:
 65 primo, nostrorum baccalaureis ad honoris culmen evocatio;
 secundo tangitur ipsis eiusdem honoris oblatio. Primum
 significatur in hoc pluri nominatio: ‘invitati’, secundum
 notatur in hoc verbo additio: ‘ascendant’; ergo “invitati as-
 cendant”.

70 Si quereretur aliquis: qui invitantur et quo ascendere
 dicunt?, responderetur: invitantur ad premia, vocantur ad
 exempla. Debent autem ascendere ad statum maiorem,
 gradum altiorem et locum priorem.

52–55 nutriunt ... laudatur] THOMAS HIBERNICUS, *Flores doctorum*, cap.
 “Remuneratio”, p. 643, § b. || 56–58 equum ... augmenta] THOMAS
 HIBERNICUS, *Flores doctorum*, cap. “Remuneratio”, p. 643, § e.